

慧日佛學班第 02 期

《大智度論》卷 7

〈初品中佛土願釋論第十三〉

(大正 25, 108a22-111a21)

釋厚觀 (2007.03.31)

壹、菩薩發願，無量功德成就

一、釋「願受無量諸佛世界」

【經】願受無量諸佛世界。¹

【論】

【(一) 淨世界願四種】(印順法師,《大智度論筆記》[C014] p.208)

諸菩薩見諸佛世界無量嚴淨，發種種願。²

有佛世界都(108b)無眾苦，乃至無三惡之名者；菩薩見已，自發願言：我作佛時，世界無眾苦，乃至無三惡之名，亦當如是。

有佛世界七寶莊嚴，晝夜常有清淨光明，無有日月；便發願言：我作佛時，世界常有嚴淨光明，亦當如是。

有佛世界一切眾生皆行十善，有大智慧，衣被飲食，應念而至；便發願言：我作佛時，世界中眾生，衣被飲食，亦當如是。

有佛世界純諸菩薩，如佛色身三十二相，光明徹照，乃至無有聲聞、辟支佛名，亦無女人，一切皆行深妙佛道，遊至十方，教化一切；便發願言：我作佛時，世界中眾生，亦當如是。

如是等無量佛世界種種嚴淨，願皆得之。以是故名「願受無量諸佛世界」。

【(二) 行業得報，何須立願³】

問曰：諸菩薩行業清淨，自得淨報，何以要須立願然後得之？譬如田家得穀，豈復待願？

答曰：

1、願為導御，能有所成；行同願別，得果不同(印順法師,《大智度論筆記》[C014] p.208)

作福無願，無所標⁴立，願為導御，能有所成。譬如銷金，隨師所作，金無定也。如佛所說：「有人修少施福，修少戒福，不知禪法；聞人中有富樂人，心常念著，願

¹ 《放光般若經》卷 1：「願攝無數無量佛國。」(大正 8, 1a23-24)

《光讚經》卷 1：「攝取佛土無限之願。」(大正 8, 147a26)

《大般若波羅蜜多經》卷 401 (第二分)：「攝受大願無邊佛土。」(大正 7, 1b28-29)

² 菩薩發願，參見《大品般若經》卷 17 〈58 夢行品〉(大正 8, 347b-349b)，《大智度論》卷 75 〈58 釋夢中入三昧品〉(大正 25, 588c-591a)。

³ 願為導御能有所成，行同願別得果不同，行須願資，願能增福。(印順法師,《大智度論筆記》[C014] p.208)

⁴ (1) 標(ㄅㄠ)：(三) 3.通「標」。標志，標示。(《漢語大字典》(三)，p.1944)

(2) 標：13.樹立，建立。15.准的，準則。(《漢語大詞典》(四)，p.1261)

樂不捨，命終之後，生富樂人中。復有人修少施福，修少戒福，不知禪法；聞有四天王天處、三十三天，夜摩天、兜率陀天、化樂天（專念色欲，化來從己）他化自在天（此天他化色欲，與之行欲，展轉如是，故名他化自在），心常願樂，命終之後，各生其中——此皆願力所得。」

菩薩亦如是，修淨世界願，然後得之。以是故知，因願受勝果。

2、行須願資（印順法師，《大智度論筆記》〔C014〕p.208）

復次，莊嚴佛世界事大，獨行功德不能成故，要須願力。譬如牛力雖能挽車，要須御者能有所至；淨世界願亦（108c）復如是，福德如牛，願如御者。

3、願能增福（印順法師，《大智度論筆記》〔C014〕p.208）

問曰：若不作願，不得福耶？

答曰：雖得，不如有願；願能助福，常念所行，福德增長。

（三）以願力故罪有量，福無量（印順法師，《大智度論筆記》〔C014〕p.208）

問曰：若作願得報，如人作十惡，不願地獄，亦不應得地獄報？

答曰：罪福雖有定報，但作願者修少福，有願力故得大果報，如先說。⁵罪中報苦，一切眾生皆願得樂，無願苦者，是故不願地獄。以是故，福有無量報，罪報有量。

有人言：最大罪在阿鼻地獄，一劫受報；最大福在非有想非無想處，受八萬大劫報。諸菩薩淨世界願，亦無量劫，入道得涅槃，是為常樂。

※ 聲聞法、菩薩法罪福差別

問曰：如〈泥犁品〉⁶中謗般若波羅蜜罪，此間劫盡，復至他方泥犁中，何以言「最大罪受地獄中一劫報」？

答曰：佛法為眾生故，有二道教化：一者、佛道，二者、聲聞道。

聲聞道中作五逆罪人，佛說受地獄一劫⁷；菩薩道中破佛法人，說此間劫盡，復至他方受無量罪。

⁵ 參見釋厚觀、郭忠生合編，〈《大智度論》之本文相互索引〉，《正觀》（6），p.26：《大智度論》卷 7（大正 25，108b14-27）。

⁶ 參見釋厚觀、郭忠生合編，〈《大智度論》之本文相互索引〉，《正觀》（6），p.26：《摩訶般若波羅蜜經》卷 11〈41 信毀品〉（大正 8，304c7-28）；《放光般若經》卷 9〈42 泥犁品〉（大正 8，62b26-63a25）；《大般若波羅蜜多經》卷 435〈39 地獄品〉（大正 7，187c2-29）；《道行般若經》卷 3（大正 8，441b）；《大明度經》卷 3（大正 8，488a）；《摩訶般若鈔經》卷 3〈5 地獄品〉（大正 8，523a）；《小品般若波羅蜜經》卷 8〈8 泥犁品〉（大正 8，550c）。

另參見 Lamotte（1944，p.407，n.3）。

⁷ 參見 Lamotte（1944，p.407，n.1）：《中阿含經》卷 27（112 經）《阿奴波經》：「阿難！我不見此世，天及魔、梵、沙門、梵志，從人至天，謂我一向記如提和達哆。所以者何？阿難！我一向記提和達哆必至惡處生地獄中，住至一劫不可救濟。」（大正 1，600c18-21）

《阿耨風經》卷 1：「阿難！我一向記禰婆達兜墮惡趣泥犁中，住一劫難可救。此阿難！我不見禰婆達兜有白法如毛髮；若見者，亦不一向記禰婆達兜墮惡趣泥犁中，住一劫難可救。是故阿難！我不見禰婆達兜有白法如毛髮，是故我一向記禰婆達兜墮惡趣泥犁中，住一劫難可救。」（大正 1，854a14-20）

聲聞法最第一福，受八萬劫；菩薩道中大福，受無量阿僧祇劫。
以是故，福德要須願，是名「願受無量諸佛世界」。

二、釋「念無量佛土、念佛三昧」

【經】念無量佛土，諸佛三昧常現在前。⁸

【論】

(一) 釋「無量佛土」

無量佛土，名十方諸佛土。

(二) 釋「諸佛三昧常現在前」

1、念佛三昧釋名

念佛三昧，名十方三世諸佛，常以心眼見，如現在前。⁹

2、二種念佛三昧

問曰：云何為念佛三昧？

答曰：念佛三昧有二種：一者、聲聞法中，於一佛身，心眼見滿十方。(109a)

二者、菩薩道，於無量佛土中，念三世十方諸佛。¹⁰

以是故言「念無量佛土，諸佛三昧常現在前」。

3、念佛三昧之特勝¹¹

問曰：如菩薩三昧種種無量，何以故但讚是菩薩念佛三昧常現在前？

答曰：

(1) 念佛得入佛道中故 (印順法師，《大智度論筆記》[A023] p.44)

是菩薩念佛故，得入佛道中。以是故，念佛三昧常現在前。

(2) 遍除煩惱及先世罪，餘三昧所不及故 (印順法師，《大智度論筆記》[A023] p.44)

復次，念佛三昧能除種種煩惱及先世罪；餘諸三昧，有能除婬不能除瞋，有能除瞋不能除婬，有能除癡不能除婬、恚，有能除三毒不能除先世罪。是念佛三昧，能除種種煩惱、種種罪。

(3) 有大福德速滅罪苦故 (印順法師，《大智度論筆記》[A023] p.44)

《增壹阿含經》卷 5：「記彼提婆達兜受罪一劫不可療治。所以然者？提婆達兜愚癡，貪著利養，起染著心作五逆惡，身壞命終入地獄中。」(大正 2，567c10-13)

另參見《大毘婆沙論》卷 116 (大正 27，601c8-602b5)。

⁸ 《放光般若經》卷 1：「無量諸佛所行三昧皆現在前。」(大正 8，1a24-25)

《光讚經》卷 1：「常三昧定，目覩無數諸佛世界。」(大正 8，147a27)

《大般若波羅蜜多經》卷 401 (第二分)：「普於十方無數諸佛等持正念，常能現前。」(大正 7，1b29-c1)

⁹ 念佛三昧：心眼見佛現前。(印順法師，《大智度論筆記》[C002] p.181)

¹⁰ 念佛三昧：大小二乘不同。(印順法師，《大智度論筆記》[C002] p.181)

¹¹ 念佛三昧：1、念佛故，得入佛道中，2、念佛三昧能除三毒及先世罪，餘所不及，3、有大福德能度眾生，餘所不及，4、知恩重故，5、所尊重故，常念佛。(印順法師，《大智度論筆記》[C002] p.181)

復次，念佛三昧有大福德，能度眾生；是諸菩薩欲度眾生，諸餘三昧無如此念佛三昧福德能速滅諸罪者。

如說：昔有五百估客，入海採寶；值摩伽羅魚王開口，海水入中，船去駛疾。船師問樓上人：「汝見何等？」答言：「見三日出，白山羅列，水流奔趣，如入大坑。」船師言：「是摩伽羅魚王開口，一是實日，兩日是魚眼，白山是魚齒，水流奔趣是入其口。我曹¹²了¹³矣！各各求諸天神以自救濟！」是時諸人各各求其所事，都無所益。中有五戒優婆塞語眾人言：「吾等當共稱南無佛，佛為無上，能救苦厄！」眾人一心同聲稱南無佛。是魚先世是佛破戒弟子，得宿命智，聞稱佛聲心自悔悟，即便合口，船人得脫。¹⁴

以念佛故，能除重罪、濟諸苦厄，何況念佛三昧！

（4）菩薩所尊所重應常念故（印順法師，《大智度論筆記》〔A023〕p.44）

復次，佛為法王，菩薩為法將，所尊所重唯佛世尊，是故應常念佛。

（5）念佛得諸功德勝利故（印順法師，《大智度論筆記》〔A023〕p.44）

復次，常念佛得種種功德利。譬如大臣特蒙恩寵常念其主；菩薩亦如是，知種種功德、無量智慧皆從佛（109b）得，知恩重故常念佛。

※ 云何常念佛，不行餘三昧

汝言「云何常念佛，不行餘三昧」者，

今言「常念」，亦不言「不行餘三昧」；行念佛三昧多，故言「常念」。

復次，先雖說空、無相、無作三昧¹⁵，未說「念佛三昧」，是故今說。

¹² 我曹：我們。（《漢語大詞典》（五），p.212）

¹³ 了：結束，了結。《廣雅·釋詁四》：「了，訖也。」（《漢語大字典》（一），p.48）

案：此「了矣」一詞於《大智度論》出現多次：

（1）《大智度論》卷 17：「王思惟言：若十二年不雨，我國了矣，無復人民。」（大正 25，183b3-4）

（2）《大智度論》卷 23：「婆羅門聞之，兩拳打頭、搥胸、吁嘔：我當云何破此淨法？我為了矣！棄捨緣事馳還本國。」（大正 25，231c20-22）

（3）《大智度論》卷 35：「太子言：諸尼健子輩了矣！」（大正 25，321b16-17）

¹⁴ 《賢愚經》卷 6〈29 富那奇緣品〉：「爾時復有五百賈客，相與結要，欲入大海。……來至中道嶮難之處，眾人咸見閻浮提內有三日現。怪問導師：今三日出，是何端應？導師答言：汝等當知！一是正日，二是魚眼，其間白者，此是魚齒。今水所投，黑冥之處，是魚口也，最為可畏。我等今者，無復活路，臨至魚口，定計垂死。有一賢者，敬信佛道，告語眾賈：『唯當虔心稱南無佛。三界德大，無過佛者，救厄赴急，矜濟一切，最能覆護苦厄眾生，唯佛神聖，願救危險。』」（大正 4，394b6-18）

案：上引《賢愚經》〈29 富那奇緣品〉，《高麗藏》缺，其中「端應」二字，《卍續藏·淨心誠觀法發真鈔》引《賢愚經》作「瑞應」，「端」字應為「瑞」字形誤，字作「瑞」為正。

〔宋〕允堪述，〔日本〕慧光合，《淨心誠觀法發真鈔》卷 3：「故《賢愚經》云：『富那云何往至大海險難之處，眾人咸見閻浮提內有三日現，怪問導師（西域入山涉海皆須導師，如此方行軍須有鄉導也），今三日出，是何瑞應。』」（卍新續藏 59，558b7-10）

另參見印順法師，《華雨集》（二），p.66；《初期大乘佛教之起源與開展》，pp.855-856，p.858。

¹⁵ 參見釋厚觀、郭忠生合編，《〈大智度論〉之本文相互索引》，《正觀》（6），p.26；《大智度論》卷 5（大正 25，95c2-3、96b29-97a24）。

三、釋「能請無量諸佛」**【經】**能請無量諸佛。**【論】****(一) 二種勸請諸佛：請轉法輪、請佛住世**「請」有二種¹⁶：**1、請轉法輪**

一者、佛初成道，菩薩夜三、晝三六時禮請；偏袒右肩，合掌言：「十方佛土無量諸佛初成道時未轉法輪，我某甲請一切諸佛為眾生轉法輪度脫一切。」

2、請佛住世

二者、諸佛欲捨無量壽命入涅槃時，菩薩亦夜三時、晝三時，偏袒右肩，合掌言：「十方佛土無量諸佛，我某甲請令久住世間，無央數劫度脫一切，利益眾生。」是名「能請無量諸佛」。

(二) 諸佛必應說法度眾，何須勸請；又未見十方無量諸佛，云何可請

問曰：諸佛之法，必¹⁷應說法廣度眾生，請與不請法自應爾，何以須請？

若於自前面請諸佛則可，今十方無量佛土諸佛亦不自見，云何可請？

答曰：

1、諸佛雖不待人請，請者亦能得福

諸佛雖必應說法，不待人請，請者亦應得福。如大國王雖多美饌，有人請者必得恩福，錄¹⁸其心故。又如慈心念諸眾生令得快樂，眾生雖無所得，念者大得其福。請佛說法亦復如是。

2、有佛若無人請者，便入涅槃而不說法

復次，有諸佛無人請者，便入涅槃而不說法。

如《法華經》¹⁹中多寶世尊，無人請故便入涅槃。後化佛身及七寶塔，證說《法華經》故，一時出現。

亦如須扇多佛，弟子本行未熟，便捨入涅槃，留化佛一劫以度眾生。

今是釋迦文尼佛，得道後五十七日寂不說法；²⁰自言：「我法甚深，難解難知！一切眾生縛著世法，無能解者，不如默（109c）然入涅槃樂。」是時，諸菩薩及釋提桓因、

¹⁶ 勸請諸佛：說法、住世。（印順法師，《大智度論筆記》〔C018〕p.217）

¹⁷ 法=必【元】【明】。（大正 25，109d，n.9）《大正藏》原作「法」，今依【元】【明】作「必」。

¹⁸ 錄：10.採取，採用。（《漢語大詞典》（十一），p.1342）

¹⁹ 參見 Lamotte（1944，p.418，n.1）：《妙法蓮華經》卷 4（大正 9，32b-34b）。

²⁰ 《大毘婆沙論》卷 182：「有說：彼時二人善根未熟，未堪聞法。所以者何？佛成道已，彼初一人若更經五十七日有餘命者應堪聞法。有說：五十六日。有說：四十九日。彼第二人若更經五十一日有餘命者應堪聞法。……由此非佛教化失時，世尊或時留自壽行待所化者，如待蘇跋達羅等，若能留他壽行無有是處。」（大正 27，914a13-20）

法寶撰，《俱舍論疏》卷 1：「若謂《婆沙》見聞不同，成道之後即觀機根，因何《婆沙》次下文云：彼初一人，佛成道後，若更五十七日有餘命者應堪聞法。此即佛成道後，至觀根時五十七日，與《智論》同。又《智論》第一云：爾時菩薩捨苦行處，到菩提樹下，坐金剛座

梵天王諸天合掌敬禮，請佛為諸眾生初轉法輪。佛時默然受請，後到波羅捺鹿林中轉法輪。

如是云何言請無所益！

3、雖眾生不面請佛，佛常見其心亦聞彼請；假令諸佛不聞不見，請佛亦有福德

復次，佛法等觀眾生，無貴無賤，無輕無重；有人請者，為其請故便為說法。雖眾生不面請佛，佛常見其心亦聞彼請；假令諸佛不聞不見，請佛亦有福德，何況佛悉聞見而無所益？

(三) 何故正以二事勸請

問曰：既知請佛有益，何以正以二事請？

答曰：

1、有人謂佛貪壽、愛著於法，為除眾疑故須請

餘不須請，此二事要必須請；若不請而說，有外道輩言：「體道常定，何以著法，多言多事？」以是故，須請而說。

若有人言：「若知諸法相，不應貪壽久住世間而不早入涅槃。」以是故須請。

若不請而說，人當謂佛愛著於法，欲令人知；以是故，要待人請而轉法輪。

諸外道輩自著於法，若請、若不請而自為人說；佛於諸法不著不愛，為憐愍眾生故，有請佛說者，佛便為說，諸佛不以無請而初轉法輪。如偈說：

諸佛說何實，何者是不實，實之與不實，二事不可得。²¹

如是真實相，不戲於諸法；憐愍眾生故，方便轉法輪。²²

2、佛為斷老、病、死，不答十四難故

復次，佛若無請而自說法者，是為自顯自執法，應必答十四難。²³今諸天請佛說法，但為斷老、病、死，無戲論處，是故不答十四難無咎。²⁴以是因緣故，須請而轉法輪。

降魔眾已，即得阿耨菩提。時梵天王等皆詣佛所，勸請世尊初轉法輪，准此論文。」(大正 41, 455b2-9)

²¹ 《中論》卷 3〈18 觀法品〉：「一切實非實，亦實亦非實，非實非非實，是名諸佛法。」(大正 30, 24a5-6)

²² 《中論》卷 4〈27 觀邪見品〉：「瞿曇大聖主，憐愍說是法，悉斷一切見，我今稽首禮。」(大正 30, 39b25-26)

²³ 十四難，又稱十四無記，參見《雜阿含經》卷 34 (962 經)：

佛告婆蹉種出家：「若作是見：(1) 世間常，此則真實，餘則虛妄者，此是倒見，此是觀察見，此是動搖見，此是垢污見，此是結見，是苦、是閔、是惱、是熱，見結所繫。愚癡無聞凡夫，於未來世，生老病死、憂悲惱苦生。婆蹉種出家！若作是見：(2) 世間無常，(3) 常無常，(4) 非常非無常；(5) 有邊，(6) 無邊，(7) 邊無邊，(8) 非有邊非無邊，(9) 是命是身，(10) 命異身異；(11) 如來有後死，(12) 無後死，(13) 有無後死，(14) 非有非無後死——此是倒見，乃至憂悲惱苦生。」(大正 2, 245c10-19)

另參見《雜阿含經》卷 16 (408 經) (大正 2, 109a-b)，卷 34 (963 經) (大正 2, 246a)，(968 經) (大正 2, 248c)；《別譯雜阿含經》卷 10 (196 經) (大正 2, 445a)，卷 11 (202 經) (大正 2, 448c)；《相應部》III, p.258，《相應部》V, p.418，《中部》I, p.484，《增支部》V, p.186。

3、若佛不請而說，外道所譏；梵天自請，則外道心伏

復次，佛在人中生，用大人法故，雖有大悲，不請不說；若不請而說，外道所譏。以是故，初（110a）要須請。又復外道宗事梵天，梵天自請，則外道心伏。

4、菩薩行懺悔、隨喜、勸請三事，轉近得佛，以是故須請

復次，菩薩法，晝三時、夜三時常行三事：

一者、清旦²⁵偏袒右肩，合掌禮十方佛，言：「我某甲若今世、若過世無量劫，身口意惡業罪，於十方現在佛前懺悔，願令滅除，不復更作。」中、暮、夜三亦如是。

二者、念十方三世諸佛所行功德，及弟子眾所有功德，隨喜勸助。

三者、勸請現在十方諸佛初轉法輪，及請諸佛久住世間無量劫，度脫一切。²⁶

菩薩行此三事，功德無量，轉近得佛。以是故須請。

四、釋「能斷種種見、纏及諸煩惱」

【經】能斷種種見、纏及諸煩惱。

【論】

(一) 釋「見、纏、煩惱」**1、釋「見」²⁷**

(1) 見有二種：一者常，二者斷。

常見者，見五眾常，心忍樂；斷見者，見五眾滅，心忍樂。

一切眾生多墮此二見中。菩薩自斷此二，亦能除一切眾生二見，令處中道。

(2) 復有二種見：有見、無見。

(3) 復有三種見：一切法忍，一切法不忍，一切法亦忍亦不忍。

(4) 復有四種見：a、世間常，世間無常，世間亦常亦無常，世間亦非常亦非無常。

b、我及世間有邊、無邊亦如是。

c、有死後如去，有死後不如去，有死後如去不如去，有死後亦不如去亦不不如去。

(5) 復有五種見：身見、邊見、邪見、見取、戒取。

如是等種種諸見，乃至六十二見斷²⁸。如是諸見，種種因緣生，種種智門觀，種種師邊聞——如是種種相，能為種種結使作因，能與眾生種種苦，是名種種見。

²⁴ 佛不答十四難：1、應置答故，2、無所益故，3、三種法（有為法、無為法、不可說法）已總攝故，4、外道常滅無是事故，5、顯現諸法如實有無故，6、如問石女兒為黑為白故。（參見《大智度論》卷 26（大正 25，253b-c），印順法師，《大智度論筆記》〔F012〕p.340）

²⁵ 清旦：清晨。（《漢語大詞典》（五），p.1297）

²⁶ 參見「普賢十願」，《大方廣佛華嚴經》卷 40：「爾時普賢菩薩摩訶薩稱歎如來勝功德已，告諸菩薩善財言：善男子！如來功德，假使十方一切諸佛經不可說不可說佛剎極微塵數劫相續演說，不可窮盡。若欲成就此功德門，應修十種廣大行願。何等為十？一者、禮敬諸佛，二者、稱讚如來，三者、廣修供養，四者、懺悔業障，五者、隨喜功德，六者、請轉法輪，七者、請佛住世，八者、常隨佛學，九者、恆順眾生，十者、普皆迴向。」（大正 10，844b20-28）

²⁷ 斷常二見，有無二見，忍不忍三見，邊無邊等四見，身邊等五見。（印順法師，《大智度論筆記》〔C018〕p.217）

「見」義，後當廣說。²⁹

2、釋「纏」

纏者，十纏：瞋纏、覆罪纏、睡纏、眠纏、戲纏、掉纏、無慚纏、無愧纏、慳纏、嫉纏。³⁰

復次，一切煩惱結繞心故，盡名為纏³¹。

3、釋「煩惱」

煩惱者，能令心煩，能作惱故，名為煩惱。

(1) 煩惱有二（110b）種：內著，外著。

內著者，五見、疑、慢等；外著者，婬、瞋等；無明內外共。

(2) 復有二種結：一、屬愛，二、屬見。

(3) 復有三種：屬婬，屬瞋，屬癡。

是名煩惱。

(二) 纏與煩惱之數類

纏者，有人言十纏，有人言五百纏。

煩惱名一切結使：結有九結，使有七，合為九十八結。³²

如《迦旃延子阿毘曇》義中說：十纏、九十八結，為百八煩惱。³³

²⁸ 參見《長阿含經》卷 14（21 經）《梵動經》（大正 1，88b-94a），《梵網六十二見經》（大正 1，264a-270c）。

²⁹ 參見釋厚觀、郭忠生合編，〈《大智度論》之本文相互索引〉，《正觀》（6），p.26：《大智度論》卷 9（大正 25，124a），卷 12（大正 25，148b-149c），卷 14（大正 25，163c），卷 15（大正 25，170c），卷 18（大正 25，193a），卷 18（大正 25，193c），卷 26（大正 25，254a-b），卷 28（大正 25，266a），卷 31（大正 25，288b，289b），卷 31（大正 25，291c），卷 40（大正 25，349b-c），卷 45（大正 25，384c），卷 70（大正 25，546a28-547b），卷 77（大正 25，607b）。

³⁰ 《阿毘達磨大毘婆沙論》卷 47：「由隨眠故引起十纏：謂忿、嫉纏是瞋等流；覆纏，有說是貪等流，有餘師說是癡等流——應作是說：是二等流，或貪名利覆藏自罪，或由無知覆藏罪故；昏沈、睡眠及無愧纏是癡等流；掉舉與慳及無慚纏是貪等流；惡作纏是疑等流。」（大正 27，245c24-29）

另參見《阿毘達磨俱舍論》卷 21。（大正 29，109b22-29）

³¹ 《俱舍論》卷 19：「煩惱睡位說名隨眠，於覺位中即名纏故。何名為睡？謂不現行種子隨逐。何名為覺？謂諸煩惱現起纏心。」（大正 29，99a3-6）

³² (1) 《大毘婆沙論》卷 50：「九結，謂 1、愛結，2、恚結，3、慢結，4、無明結，5、見結，6、取結，7、疑結，8、嫉結，9、慳結。」（大正 27，258a3-4）

另參見《阿毘達磨集異門足論》卷 19。（大正 26，446a25-b13）

(2) 七使又稱七隨眠，參見《大毘婆沙論》卷 50：「七隨眠，謂欲貪隨眠、瞋恚隨眠、有貪隨眠、慢隨眠、無明隨眠、見隨眠、疑隨眠。問：此七隨眠以何為自性？答：以九十八事為自性。謂欲貪、瞋恚隨眠，各欲界五部為十事；有貪隨眠，色、無色界各五部為十事；慢、無明隨眠，各三界五部為三十事；見隨眠，三界各十二為三十六事；疑隨眠，三界各四部為十二事。由此七隨眠以九十八事為自性。」（大正 27，257a18-25）

另參見《阿毘達磨集異門足論》卷 17。（大正 26，439a18-29）

※五部：見苦所斷、見集所斷、見滅所斷、見道所斷及修所斷。

※見隨眠有五種：有身見、邊見、邪見、見取見、戒禁取見。

※身見、邊見唯苦諦，戒禁取唯苦諦、道諦，修惑無五見、疑，上界無瞋。

※九十八隨眠中，見惑有八十八隨眠，修惑有十隨眠。

³³ 《阿毘曇毘婆沙論》卷 26：「問曰：此三漏體性是何？答曰：有百八種。欲漏有四十一種：

《犢子兒阿毘曇》中結使亦同纏，有五百。

〔三〕釋「能斷見、纏、煩惱」

如是諸煩惱，菩薩能種種方便自斷，亦能巧方便斷他人諸煩惱。

如佛在時，三人為伯³⁴、仲³⁵、季³⁶，聞毘耶離國婬女人名菴羅婆利，舍婆提有婬女人名須曼那，王舍城婬女人名優鉢羅槃那。有三人各各聞人讚三女人端正無比，晝夜專念，心著不捨，便於夢中夢與從事。覺已心念：「彼女不來，我亦不往，而婬事得辦。」因是而悟：「一切諸法皆如是耶？」於是往到颯陀婆羅菩薩所問是事。颯陀婆羅答言：「諸法實爾，皆從念生。」如是種種為此三人方便巧說諸法空，是時三人即得阿鞞跋致。³⁷

是諸菩薩亦復如是，為諸眾生種種巧說法，斷諸見、纏、煩惱。是名「能斷種種見、纏及諸煩惱」。

五、釋「遊戲出生百千三昧」

【經】遊戲出生百千三昧³⁸。

【論】諸菩薩禪定心調，清淨智慧方便力故，能生種種諸三昧。

〔一〕釋「三昧」

何等為三昧？善心一處住不動，是名三昧。

復有三種三昧：有覺有觀、無覺有觀、無覺無觀三昧。³⁹

復有四種三昧：欲界繫三昧、色界繫三昧、無色界繫三昧、不繫三昧。

〔二〕釋「出生」

是中所用菩薩三昧，如先說，⁴⁰於佛三昧中未滿，勤行勤修故，言能出生。

欲愛有五種，患有五種，慢有五種，見有十二種，疑有四種，纏有十種，此四十一種，是欲漏體。有漏有五十二種：愛有十種，慢有十種，疑有八種，見有二十四種，此五十二種，是有漏體。無明漏有十五種：欲界無明有五，色界無明有五，無色界無明有五，此十五種，是無明漏體。此百八種，是三漏體，亦名百八煩惱。」（大正 28，189a18-26）

³⁴ 伯：1.長兄，兄弟中年最長者。（《漢語大詞典》（一），p.1261）

³⁵ 仲：2.次、第二。指兄弟或姐妹中排行第二者。古時兄弟姐妹排行常以伯（孟）、仲、叔、季為序。（《漢語大詞典》（一），p.1191）

案：嫡出諸子以伯、仲、叔、季敘齒，庶出諸子以孟、仲、叔、季敘齒；伯為嫡長子，孟為庶長子。

³⁶ 季：1.兄弟姊妹排行最小的。（《漢語大詞典》（四），p.209）

³⁷ 《般舟三昧經》卷 1：「佛告颯陀和：我持是三女人以為喻，汝持是事為人說經，使解此慧，至不退轉地無上正真道。」（大正 13，899a2-27）

³⁸ 三昧：能生因：禪定心調清淨智慧方便力故生。

釋名。類別：三種三昧，四種三昧。

為度眾生行百千三昧。

治惑不同。繫念在前。佛定容有差降。（印順法師，《大智度論筆記》〔A057〕p.96）

³⁹ 《中阿含經》卷 18《郁伽支羅經》：「比丘！如此之定，去時、來時當善修習。住時、坐時、臥時、眠時、寤時、眠寤時亦當修習。復次，亦當修習有覺有觀定、無覺少觀定，修習無覺無觀定，亦當修習喜共俱定、樂共俱定、定共俱定，修習捨共俱定。」（大正 1，544a11-15）

⁴⁰ 如先說「菩薩三昧」，參見《大智度論》卷 5（大正 25，96c-97a）。

另外，菩薩常修念佛三昧，得入佛道中。參見《大智度論》卷 7：「問曰：如菩薩三昧種種無

※ 菩薩出生百千種三昧之理由

問曰：諸菩薩何以故出生遊（110c）戲是百千種三昧？

答曰：眾生無量，心行不同，有利有鈍，於諸結使有厚有薄；是故菩薩行百千種三昧，斷其塵勞。譬如為諸貧人欲令大富，當備種種財物，一切備具，然後乃能濟諸貧者。又復如人欲廣治諸病，當備種種眾藥，然後能治。菩薩亦如是，欲廣度眾生故，行種種百千三昧。

（三）釋「遊戲」

問曰：但當出生此三昧，何以故復遊戲其中？

答曰：菩薩心生諸三昧，欣樂出入自在，名之為「戲」，非結愛戲也。

「戲」名自在；如師子在鹿中自在無畏故，名為「戲」。

是諸菩薩於諸三昧有自在力，能出能入亦能如是。

餘人於三昧中，⁽¹⁾能自在入，不能自在住、自在出；

⁽²⁾有自在住，不能自在入、自在出；

⁽³⁾有自在出，不能自在住、自在入；

⁽⁴⁾有自在入、自在住，不能自在出；

⁽⁵⁾有自在住、自在出，不能自在入。

是諸菩薩能三種自在故，言遊戲出生百千三昧。

六、菩薩成就無量功德

【經】諸菩薩如是等無量功德成就。⁴¹

【論】是⁴²諸菩薩共佛住，欲讚其功德，無量億劫不可得盡。以是故，言無量功德成就。

貳、二十二位菩薩名號

【經】其名曰：颯陀婆羅菩薩（秦言善守）、剌那伽羅菩薩（秦言寶積）、導師菩薩、那羅達菩薩、星得菩薩、水天菩薩、主天菩薩、大意菩薩、益意菩薩、增意菩薩、不虛見菩薩、善進菩薩、勢勝菩薩、常勤菩薩、不捨精進菩薩、日藏菩薩、不缺席菩薩、觀世音菩薩、文殊尸利菩薩（秦言妙德）⁴³、執寶印菩薩、常舉手菩薩、彌勒菩薩，如是等無量千萬億那由他諸菩薩摩訶薩，皆是補處紹尊位者。

【論】如是等諸菩薩，共佛住王舍（111a）城耆闍崛山中。

一、獨說二十二菩薩名之理由

問曰：如是菩薩眾多，何以獨說二十二菩薩名？

答曰：諸菩薩無量千萬億，說不可盡，若都說者，文字所不能載。

復次，是中二種菩薩：居家、出家。

量，何以故但讚是菩薩念佛三昧常現在前？答曰：是菩薩念佛故，得入佛道中，以是故念佛三昧常現在前。」（大正 25，109a3-6）

⁴¹ 參見 Lamotte（1944, p.428, n.1）：《放光般若經》卷 1（大正 8，1a26-27），《光讚經》卷 1（大正 8，147a29-b1），《大寶積經》卷 16（大正 11，91c14）。

⁴² （諸菩薩如是等無量功德成就者）+是【宋】【元】【明】【宮】。（大正 25，110d，n.24）

⁴³ 妙德菩薩 = 文殊尸利【石】。（大正 25，134d，n.15）

印順法師，《初期大乘佛教之起源與開展》，p.873：「文殊師利，唐譯曼殊室利，義譯為溥首、濡首、軟首、妙德、妙吉祥。」

(1) 善守等十六菩薩，是**居家菩薩**；毘陀婆羅居士菩薩，是王舍城舊人；寶積王子菩薩，是毘耶離國人；星得長者子菩薩，是瞻波國人；導師居士菩薩，是舍婆提國人；那羅達婆羅門菩薩，是彌梯羅國人；水天優婆塞菩薩。⁴⁴

(2) 慈氏、妙德菩薩等，是**出家菩薩**。

(3) 觀世音菩薩等，**從他方佛土來**。

若說**居家**，攝一切居家菩薩；**出家、他方**亦如是。

二、善守菩薩最在前說之理由

問曰：善守菩薩有何殊勝，最在前說？若最大在前，應說遍吉⁴⁵、觀世音、得大勢菩薩等；若最小在前，應說肉身初發意菩薩等。

答曰：不以大，不以小，以善守菩薩是王舍城舊人，白衣菩薩中最大。佛在王舍城欲說般若波羅蜜，以是故最在前說。

復次，是善守菩薩，無量種種功德，如《般舟三昧》⁴⁶中，佛自現前讚其功德。

三、諸菩薩於十方佛土皆補佛處，故言紹尊位者

問曰：若彌勒菩薩應稱補處⁴⁷，諸餘菩薩何以復言紹⁴⁸尊位者？

答曰：是諸菩薩於十方佛土皆補佛處。

〈大智度初品中放光釋論第十四〉⁴⁹

(大正 25, 111a22-114c2)

壹、佛入三昧王三昧，一切三昧悉入其中

【經】爾時，世尊自敷⁵⁰師子座，結加趺坐，直身繫念在前，入三昧王三昧，一切三昧悉入其中。

⁴⁴ 參見 Lamotte (1944, p.428, n.2):《大方等大集經賢護分》卷 1 (大正 13, 872a-b),《般舟三昧經》卷 3〈10 請佛品〉(大正 13, 914b29-915c17)。

⁴⁵ 遍吉：普賢菩薩。印順法師，《初期大乘佛教之起源與開展》，p.465：「三曼陀跋陀羅，或譯為普賢，遍吉。」

⁴⁶ 《般舟三昧經》(一卷本)(大正 13, 898a27-b3),《般舟三昧經》卷上(大正 13, 904b3-15)。

⁴⁷ 參見 Lamotte (1944, p.430, n.2):《長阿含經》卷 6：「八萬歲時人……有佛出世，名為彌勒如來。」(大正 1, 41c22-29)

《中阿含經》卷 13：「佛復告曰：彌勒！汝於未來久遠人壽八萬歲時，當得作佛，名彌勒如來。」(大正 1, 511a13-15)

⁴⁸ 紹：1.承繼。《漢書·敘傳下》：“漢紹堯運，以建帝業。”(《漢語大詞典》(九), p.799)

⁴⁹ 卷第九首【聖】，((大智…四))十三字 = ((大智度論釋初品中放光第十四))十三字【宋】【宮】，但第十三字四字宮本闕，((釋初品中三昧))六字【明】，((大智度初品中放光品第十))十一字【聖】，((釋初品中放光品第十))九字【石】，〔大智…四〕十三字—【元】。(大正 25, 111d, n.6)

⁵⁰ 敷(ㄉㄨ)：3.鋪開，擴展。《書·顧命》：“牖間南向，敷重篋席。”《穆天子傳》卷六：“敷筵

【論】

一、釋「佛自敷師子座」

問曰：佛有侍者及諸菩薩，何以故自敷師子座？

答曰：此是佛所化成，欲以可適⁵¹大眾，以是故，阿難不能得敷。

復次，佛心化作，故言自敷。

※ 釋「師子座」

問曰：何以名師子座？為佛化作師子，為實師子來，為金銀木石作師子（111b）耶？

又，師子非善獸故，佛所不須，亦無因緣故，不應來！

答曰：是號名師子，非實師子也。佛為人中師子，佛所坐處若床若地，皆名師子座。

譬如今者國王坐處，亦名師子座。

復次，王呼健人，亦名人師子；人稱國王，亦名人師子。又如師子，四足獸中獨步無畏，能伏一切；佛亦如是，於九十六種道中一切降伏無畏故，名人師子。

二、釋「結跏趺坐」

問曰：多有坐法，佛何以故唯用結加趺坐？

答曰：

（一）結加趺坐最安隱，不疲極；魔王見之其心憂怖；眾人見之皆大歡喜

諸坐法中結加趺坐最安隱，不疲極；此是坐禪人坐法，攝持手足，心亦不散；又於一切四種身儀中，最安隱。

此是禪坐取道法坐，魔王見之，其心憂怖。

如是⁵²坐者，出家人法，在林樹下結加趺坐，眾人見之，皆大歡喜，知此道人必當取道。⁵³如偈說：

若結加趺坐，身安入三昧；威德人敬仰，如日照天下。

除睡癩覆心，身輕不疲懈；覺悟亦輕便，安坐如龍蟠⁵⁴。

見晝加趺坐，魔王亦愁怖，何況入道人，安坐不傾動。

以是故，結加趺坐。

席，設几。”郭璞注：“敷猶鋪也。”（《漢語大詞典》（五），p.503）

⁵¹ 適：9.悅樂，滿足。《詩·衛風·伯兮》：“豈無膏沫？誰適為容！”馬瑞辰通釋：“《一切經音義》卷六引《三蒼》：‘適，悅也。’此適字，正當訓悅。女為悅己者容，夫不在，故曰‘誰適為容’，即言誰悅為容也。”余冠英注：“適，悅也。”（《漢語大詞典》（十），p.1160）

可適大眾：令大眾喜悅。

⁵² 是=此【宋】【元】【明】【宮】【聖】【石】。（大正 25，111d，n.11）

⁵³ 《大毘婆沙論》卷 39：「問：諸威儀中皆得修善，何故但說結加趺坐？答：此是賢聖常威儀故。謂過去未來過殑伽沙數量諸佛及佛弟子，皆住此威儀而入定故。復次，如是威儀順善品故。謂若行住身速疲勞，若倚臥時便增昏睡，唯結加坐無斯過失，故能修習殊勝善品。」（大正 27，204b3-9）

⁵⁴ 蟠（ㄉㄤ ㄆㄢˊ）：1.盤曲，盤結。漢揚雄《法言·問神》：“龍蟠于泥，虺其肆矣。”（《漢語大詞典》（八），p.971）

〔二〕佛教弟子結加趺直身坐

復次，佛教弟子應如是坐。有外道輩，或常翹足求道，或常立，或荷⁵⁵足，⁵⁶如是狂狷⁵⁷，心沒邪海，形不安隱。以是故，佛教弟子結加趺直身坐。

三、釋「直身繫念」

何以故直身？心易正故，其身直坐則心不懶；端心正意，繫念在前。若心馳散，攝之令還。欲入三昧故，種種馳念皆亦攝之——如此繫念，入三昧王三昧。

四、釋「三昧王三昧」⁵⁸**〔一〕釋名****1、此三昧於諸三昧中最第一自在，故名三昧王三昧**

云何名三昧王三昧？是三昧於諸三（111c）昧中最第一自在，能緣無量諸法。如諸人中王第一，王中轉輪聖王第一，一切天上天下佛第一；此三昧亦如是，於諸三昧中最第一。

※ 何故獨稱三昧王三昧為第一

問曰：若以佛力故，一切三昧皆應第一，何以故獨稱三昧王為第一？

答曰：雖應以佛神力故，佛所行諸三昧皆第一，然諸法中應有差降⁵⁹。如轉輪聖王眾寶，雖勝一切諸王寶，然此珍寶中自有差別，貴賤懸殊。

※ 三昧王三昧何定攝（印順法師，《大智度論筆記》〔A057〕p.96）

是三昧王三昧，何定攝？何等相？

〔1〕或言在第四禪中（印順法師，《大智度論筆記》〔A057〕p.96）

有人言：三昧王三昧名為自在相，善五眾攝，在第四禪⁶⁰中。何以故？

^{〔1〕}一切諸佛於第四禪中行見諦道，得阿那含，即時十八心中得佛道。⁶¹

⁵⁵ 荷（尸七、丿）：1.肩負，扛。《逸周書·克殷》：“及期，百夫荷素質之旗于王前。”南朝梁沈約《齊故安陸昭王碑文》：“挈妻荷子，負戴成群。”（《漢語大詞典》（九），p.418）

⁵⁶ 《雜阿含經》卷 35（977 經）：「彼自害者，或拔髮、或拔鬚，或常立舉手，或蹲地，或臥灰土中，或臥棘刺上，或臥杵上、或板上，或牛屎塗地而臥其上，或臥水中，或日三洗浴，或一足而立身隨日轉——如是眾苦精勤有行。尸婆！是名自害。他害者，或為他手石、刀、杖等種種害身，是名他害。」（大正 2，252c23-29）

⁵⁷ 狂狷（尸口弓、丿）：2.狂妄褻急，4.放縱，不遵禮法。北魏酈道元《水經注·江水三》：“〔禰衡〕恃才倜儻，肆狂狷于無妄之世。”（《漢語大詞典》（五），p.18）

⁵⁸ 三昧王三昧：釋名。何定攝：或言四禪、或言唯佛能知。何故入：明智慧從緣生故，令六通無限故，欲現大神力故，非諸凡聖所知故，欲放光令見故。能觀十方世界眾生故。徧緣一切法。十住猶尚不知。諸三昧悉入其中：得此一切得入，此欲入即入，能觀諸三昧。（印順法師，《大智度論筆記》〔A057〕p.96）

⁵⁹ 差降：按等第遞降。《唐律疏議·名例三·除名比徒三年》：“除名、免官、免所居官，罪有差降，故量輕重節級比徒。”（《漢語大詞典》（二），p.976）

⁶⁰ 第四禪殊勝：佛於中見道，得佛道，捨壽，起入無餘。此中有八生住處、背捨、勝處、一切入。無遮禪法。無三患。（印順法師，《大智度論筆記》〔A057〕p.96）

⁶¹ 《阿毘達磨俱舍論》卷 5：「菩薩三十四念得菩提故，諦現觀中有十六念，離有頂貪有十八念，謂斷有頂九品煩惱起九無間、九解脫道，如是十八，足前十六，成三十四。一切菩薩決定先於無所有處已得離貪方入見道，不復須斷下地煩惱。」（大正 29，25b1-6）

- (2) 在第四禪中捨壽，於第四禪中起，入無餘涅槃；
- (3) 第四禪中有八生住處⁶²，背捨、勝處、一切入多在第四禪中。⁶³
- (4) 第四禪名不動，無遮禪定法⁶⁴。欲界中諸欲遮禪定心，初禪中覺觀心動，二禪中大喜動，三禪中大樂動，四禪中無動。
- (5) 復次，初禪火所燒，二禪水所及，三禪風所至⁶⁵，四禪無此三患；無出入息，捨念清淨。

以是故，三昧王三昧應在第四禪中，如好寶物置之好藏。

(2) 或言唯佛能知（印順法師，《大智度論筆記》〔A057〕p.96）

更有人言：佛三昧誰能知其相？一切諸佛法，一相無相，無量、無數、不可思議。諸餘三昧尚不可量、不可數、不可思議，何況三昧王三昧！如此三昧，**唯佛能知**。如佛神足、持戒尚不可知，何況三昧王三昧！

2、一切三昧皆入其中，故名三昧王三昧

復次，三昧王三昧，諸一切⁶⁶三昧皆入其中故，名三昧王三昧。譬如閻浮提眾川萬流皆入大海，亦如一切民人⁶⁷皆屬國王。

(二) 佛何故入三昧王三昧（印順法師，《大智度論筆記》〔A057〕p.96）

問曰：佛一切智無所不知，何以故入此三昧王三昧，然（112a）後能知？

答曰：

1、欲明智慧從緣生故（印順法師，《大智度論筆記》〔A057〕p.96）

欲明智慧從因緣生故，止外道六師輩言「我等智慧一切時常有、常知」故。以是故言「佛入三昧王三昧故知，不入則不知」。

問曰：若如是者，佛力減劣！

答曰：入是三昧王三昧時，不以為難，應念即得；非如聲聞、辟支佛、諸小菩薩方便求入。

⁶² 四禪八生處：謂無雲天、福生天、廣果天、五淨居天。

⁶³ 八背捨（八解脫）中的第三淨背捨，八勝處中的後四勝處——內無色想觀青、黃、赤、白勝處，十一切入（十遍處）中的前八遍處（地、水、火、風、青、黃、赤、白一切入）都相當於第四禪。

參見《阿毘達磨大毘婆沙論》卷 167：「第四靜慮攝第四靜慮、三無量、淨解脫、後四勝處、前八遍處、八智、三三摩地。」（大正 27，842c29-843a2）另參見印順法師，《空之探究》，p.72。

⁶⁴ **遮禪法**：欲、覺觀、喜、樂。（印順法師，《大智度論筆記》〔A057〕p.97）

⁶⁵ 《長阿含經》卷 21〈9 世記經三災品〉：「佛告比丘：世有三災。云何為三？一者火災，二者水災，三者風災。有三災上際，云何為三？一者光音天，二者遍淨天，三者果實天。若火災起時，至光音天（案：即第二禪天），光音天為際；若水災起時，至遍淨天（案：即第三禪中最上位之天），遍淨天為際；若風災起時，至果實天（案：即第四禪廣果天），果實天為際。」（大正 1，137b11-17）

《起世因本經》卷 9：「諸比丘！於其中間復有三災。何等為三？一者火災，二者水災，三者風災。其火災時，光音諸天首免其災；水災之時，遍淨諸天首免其災；風災之時，廣果諸天首免其災。」（大正 1，409c18-21）

⁶⁶ 諸一切=一切諸【宋】【元】【明】【宮】。（大正 25，111d，n.19）

⁶⁷ 民人=人民【宋】【元】【明】【宮】【聖】【石】。（大正 25，111d，n.20）

2、令六神通無限故（印順法師，《大智度論筆記》〔A057〕p.96）

復次，入是三昧王三昧中，令六神通通徹十方，無限無量。

3、欲現大神力故（印順法師，《大智度論筆記》〔A057〕p.96）

復次，佛入三昧王三昧，種種變化現大神力。若不入三昧王三昧而現神力者，有人心念：「佛用幻力、呪術力，或是大力龍神力，或是天，非是人。何以故？一身出無量身，種種光明變化故，謂為非人。」斷此疑故，佛入三昧王三昧。

4、非諸凡聖所知故（印順法師，《大智度論筆記》〔A057〕p.96）

復次，佛若入餘三昧中，諸天、聲聞、辟支佛或能測知；雖言佛神力大而猶可知，敬心不重。以是故，入三昧王三昧中，一切諸眾聖，乃至十住菩薩不能測知——不知佛心何所依、何所緣。以是故，佛入三昧王三昧。

5、欲放光令見故（印順法師，《大智度論筆記》〔A057〕p.96）

復次，佛有時放大光明，現大神力：如生時、得道時、初轉法輪時、諸天聖人大集會時、若破外道時，皆放大光明。

今欲現其殊特故，放大光明，令十方一切天人眾生及諸阿羅漢、辟支佛、菩薩皆得見知。以是故，入三昧王三昧。

6、以功德力示現光明神力最上故

復次，光明神力有下、中、上。

- (1) 呪術、幻術能作光明變化，下也；
- (2) 諸天龍神報得光明神力，中也；
- (3) 入諸三昧，以今世功德心力，放大光明現大神力，上也。

以是故，佛入三昧王三昧。

(三) 一切三昧悉入三昧王三昧中⁶⁸

問曰：如諸三昧各各相，云何一切三昧悉⁶⁹入其中？

答曰：

1、得此三昧王三昧時，一切三昧皆得

得是三昧王三昧時，一切三昧悉得，故言悉入（112b）其中。是三昧力故，一切諸三昧皆得，無量無數，不可思議。以是故名為入。

2、入此三昧王三昧中，一切三昧欲入即入

復次，入是三昧王三昧中，一切三昧欲入即入。

3、入此三昧王三昧，能觀諸三昧相

復次，入是三昧王三昧，能觀一切三昧相，如山上觀下。

⁶⁸ 諸三昧悉入其中：得此一切得入，此欲入即入，能觀諸三昧。（印順法師，《大智度論筆記》〔A057〕p.96）

⁶⁹ 悉：1.盡、全。（《漢語大詞典》（七），p.535）

4、入此三昧王三昧中，能觀一切十方世界及一切眾生

復次，佛入是三昧王三昧中，能觀一切十方世界，亦能觀一切眾生。
以是故，入三昧王三昧。

貳、釋「佛從三昧起，以天眼觀世界，舉身微笑」

【經】爾時，世尊從三昧安庠⁷⁰而起，以天眼觀視世界，舉身微笑。

【論】

一、云何佛從三昧王三昧起觀視世界

問曰：云何世尊入三昧王三昧無所施作，而從定起觀視世界？

答曰：佛入是三昧王三昧，一切佛法寶藏悉開悉看。是三昧王三昧中觀已，自念：「我此法藏無量無數，不可思議！」然後從三昧安庠而起，以天眼觀眾生，知眾生貧苦。

二、佛何故舉身微笑

此法藏者從因緣得，一切眾生皆亦可得，但坐⁷¹癡冥⁷²，不求不索⁷³。以是故，舉身微笑。

三、佛有佛眼等，何以用天眼觀視世界

問曰：佛有佛眼、慧眼、法眼，勝於天眼，何以用天眼觀視世界？

答曰：(1) 肉眼所見不遍故；

(2) 慧眼知諸法實相；

(3) 法眼見是人以何方便、行何法得道；

(4) 佛眼名一切法現前了了知。

(5) 今天眼緣世界及眾生無障無礙，餘眼不爾。

慧眼、法眼、佛眼雖勝，非見眾生法；⁷⁴

⁷⁰ 庠（ㄊ一ㄨˇ）：3.通「詳」。安詳。《因果經》：無苦無惱，安庠而起。（《漢語大詞典》（三），p.1230）

安詳：1.穩重，從容。漢蔡邕《薦邊文禮書》：“口辯辭長，而節之以禮度。安詳審固，守持內定。”（《漢語大詞典》（三），p.1327）

⁷¹ 坐：20.因為，由於。《史記·白起王翦列傳》：“今空秦國甲士而專委於我，我不多請田宅為子孫業以自堅，顧令秦王坐而疑我邪？”北魏酈道元《水經注·江水一》：“母好飲江水，嗜魚膾，常以雞鳴溯流汲江，子坐取水溺死。”（《漢語大詞典》（二），p.1039）

⁷² 冥：3.愚昧。（《漢語大詞典》（二），p.448）

⁷³ 索：5.尋求，探索。（《漢語大詞典》（九），p.746）

⁷⁴ (1) 五眼，參見《大智度論》卷33（大正25，305c17-306a8），卷39（大正25，347a6-351b1）。
(2) 印順法師，《般若經講記》，pp.114-115：

一、五種人有五種眼：世間人類的眼根，叫**肉眼**；天人的眼叫**天眼**。這二者，都是色法，都是由清淨的四大極微所構造成的。**天眼**的品質極其精微，所以能見人類肉眼所不能見的。如肉眼見表不見裡，見粗不見細，見前不見後，見近不見遠，見明不見暗；而天眼卻表裡、粗細、前後、遠近、明闇，沒有不了了明見的。此外，慧眼、法眼、佛眼，都約智慧的能見而說，屬於心法。聲聞有**慧眼**，能通達諸法無我空性。**法眼**，是菩薩所有的，他不但能通達空性，還能從空出假，能見如幻緣起的無量法相；能適應時機，以種種法門化度眾生。**佛眼**，即『唯佛與佛，乃能究盡諸法實相』，即空假不二而圓見中道。

欲見眾生，唯以二眼：肉眼、天眼。以肉眼不遍⁷⁵，有所障故，用天眼觀。

※ 此眼為佛所觀，何以名為「天眼」

問曰：今是眼在佛，何以名為天眼？

答曰：

（一）持戒、禪定行力得，非是生分故，名為天眼

此眼多在天中，天眼所見，不礙山壁樹木。若人精進、持戒、禪定行力得，非是生分。以是故，名為天眼。

（二）人多貴天，佛隨人心，故名天眼

復次，人多貴天，以天為主，佛隨人心，以是故，名為天眼。

（三）三種天（名天、生天、淨天）中，佛是淨天中尊

復次，天有三種：名天、生天、淨天。

名天：天王、天子是也。

生天：（112c）釋、梵諸天是也。

淨天：佛、辟支佛、阿羅漢是也。

淨天中尊者是佛，今言天眼亦無咎也。

四、合說「佛以天眼觀視世界，舉身微笑」

天眼觀視世界者，以世界眾生常求安樂而更得苦；心著吾我，是中實無吾我——眾生常畏苦而常行苦，如盲人求好道，反墮深坑。

如是等種種觀已，舉⁷⁶身微笑。

五、笑從口生或眼笑，云何言一切身笑

問曰：笑從口生，或時眼笑，今云何言一切身笑？

答曰：佛，世界中尊，得自在，能令一切身如口、如眼，故皆能笑。

復次，一切毛孔皆開，故名為笑；由口笑歡喜故，一切毛孔皆開。

六、佛至尊重，何以故笑

問曰：佛至尊重，何以故笑？

答曰：

（一）佛有大因緣，欲說摩訶般若波羅蜜故

如大地，不以無事及小因緣而動；佛亦如是，若無事及小因緣則不笑，今大因緣故一

二、一人有五眼：這如本經（《金剛般若經》）所說的如來有五眼。佛能見凡人所見，是肉眼；見諸天所見的境界，表裡遠近等，都能透徹明見，是天眼；通達空無我性，是慧眼；了知俗諦萬有，是法眼；見佛所見的不共境，即佛眼。又，佛有肉眼、天眼，實非人天的眼根可比。後三者，又約自證說，無所見而無所不見，是慧眼；約化他說，即法眼；權實無礙為佛眼。如約三智說：一切智即慧眼，道種智即法眼，一切種智即佛眼。

⁷⁵ 遍：1. 普遍，全部。（《漢語大詞典》（十），p.1101）

⁷⁶ 舉：45. 皆，全。【用法舉例】（1）舉世：全世界；普天下。《莊子·逍遙游》：“舉世譽之而不加勸，舉世非之而不加沮。”（2）舉坐：亦作“舉座”，猶滿座，指全體在座者。南朝宋劉義慶《世說新語·黜免》：“桓公坐有參軍椅，烝薤，不時解，共食者又不助，而椅終不放，舉坐皆笑。”（《漢語大詞典》（八），p.1291）

切身笑。云何為大？佛欲說摩訶般若波羅蜜，無央數眾生當續佛種，是為大因緣。

（二）一切眾生亦可得大智慧如佛故

復次，佛言：「我前世曾作小虫、惡人，漸漸集諸善本，得大智慧；今自致⁷⁷作佛，神力無量最上最大。一切眾生亦可得爾，云何空受勤苦而墮小處？」⁷⁸以是故笑。

（三）有小因大果，小緣大報故

復次，有小因大果、小緣大報。如求佛道，讚一偈，一稱南無佛，燒一捻香，必得作佛；⁷⁹何況聞知諸法實不生不滅、不生不滅，而行因緣業亦不失！以是事故笑。

（四）佛種種方便，因笑放光，欲教化眾生令心調柔，令信受般若故

復次，般若波羅蜜相，清淨如虛空，不可與，不可取。佛種種方便，光明神德，欲教化一切眾生令心調柔，然後能信受般若波羅蜜。以是故，因笑放光。

（五）諸法空、無言說，而佛為眾生說法令得解脫，此是第一希有難事故

笑有種種因緣：有人歡喜而笑，有人瞋恚而笑，有輕人而笑，有見異事而笑，有見可羞恥事而笑，有見殊方異俗而笑，有見希有難事而笑。⁸⁰

今是第一（113a）希有難事：諸法相，不生不滅，真空無字無名，無言無說；而欲作名立字，為眾生說令得解脫，是第一難事。譬如百由旬大火聚，有人負乾草入火中過，不燒一葉，是甚為難。

佛亦如是，持八萬法眾名字草，入諸法實相中，不為染著火所燒，直過無礙，是為甚難，以是難事故笑。如是種種希有難事故，舉身微笑。

參、佛八現神力⁸¹

（壹）出身分光（印順法師，《大智度論筆記》〔A003〕p.6）

一、足下放光

【經】從足下千輻相輪中，放六百萬億光明。⁸²

【論】

⁷⁷ 致：10.求取，獲得。《論語·子張》：“百工居肆以成其事，君子學以致其道。2、通“至”。達到。《禮記·玉藻》：“君賜，稽首據掌致諸地。”陳澧集說：“致，至也。頭及手俱至地也。”（《漢語大詞典》（八），p.792）

⁷⁸ 出處待考。

⁷⁹ 參見《妙法蓮華經》卷1：「若人散亂心，入於塔廟中；一稱南無佛，皆已成佛道。」（大正9，9a24-25）

⁸⁰ 笑有七緣。（印順法師，《大智度論筆記》〔J013〕p.503）

⁸¹ 《般若經》中八現神力：一、出身分光（《大智度論》卷7（大正25，113a9-114b19）），二、出毛孔光（卷7（大正25，114b20-c1）），三、示丈光相（卷8（大正25，114c11-115a3）），四、現舌相光（卷8（大正25，115a4-116c6）），五、地六震動（卷8（大正25，116c7-121b12）），六、現尊特身（卷9（大正25，121b21-122b16）），七、示現常身（卷9（大正25，122b17-123c10）），八、放光令見（卷9（大正25，123c11-124a9））。（印順法師，《大智度論筆記》〔A003〕p.6）

⁸² **【經】**之前行明本有〈釋初品中放光〉六字品題，〔**【經】**〕—**【宋】**【宮】。（大正25，113d，n.2）

（一）佛先放身光之理由

問曰：佛何以故先放身光？

答曰：

1、令眾生心信清淨恭敬故

上笑因緣中已答⁸³，今當更說。有人見佛無量身放大光明，心信清淨恭敬故，知非常人。

2、佛欲現智慧光明神相故

復次，佛欲現智慧光明神相故，先出身光，眾生知佛身光既現，智慧光明亦應當出。

3、令眾生捨本所樂，令心離欲故

復次，一切眾生常著欲樂，五欲中第一者色；見此妙光，心必愛著，捨本所樂；令其心漸離欲，然後為說智慧。

（二）佛光明與諸天光明之差異

問曰：其餘天人亦能放光，佛放光明有何等異？

答曰：諸天人雖能放光，有限有量；日月所照，唯四天下；

佛放光明，滿三千大千世界，三千大千世界中出，遍至下方。

餘人光明，唯能令人歡喜而已；

佛放光明，能令一切聞法得度，以是為異。

（三）先從足下放光之理由

問曰：如一身中，頭為最上，何以故先從足下放光？

答曰：身得住處，皆由於足。

復次，一身中雖頭貴而足賤，佛不自貴光，不為利養，以是故於賤處放光。

復次，諸龍、大蛇、鬼神，從口中出光，毒害前物；若佛口放光明，眾生怖畏，是何大光！復恐被害，是故從足下放光。

※ 身光是諸光之本，得可度眾生轉增無限

問曰：足下六百萬億光明，乃至肉（113b）髻，是皆可數；三千大千世界尚不可滿，何況十方！

答曰：此身光是諸光之本，從本，枝流無量無數。譬如迦羅求羅虫⁸⁴，其身微細，得風轉大，乃至能吞食一切；光明亦如是，得可度眾生轉增無限。

二、從足至肉髻各各皆大放光明

【經】足十指、兩踝、兩躡⁸⁵、兩膝、兩髀⁸⁶、腰、脊、腹、背、臍、心、胸德字、

⁸³ 參見《大智度論》卷 7：「佛種種方便，光明神德，欲教化一切眾生令心調柔，然後能信受般若波羅蜜，以是故因笑放光。」（大正 25，112c24-26）

⁸⁴ 《翻梵語》卷 7：「迦羅求羅虫（應云：迦羅咎那，譯曰：迦羅者，黑谷；那者，木虫）。」（大正 54，1032c10-11）

⁸⁵ 躡（尸メ弓）：同“膕”。脛骨後肉。俗稱“腿肚子”。（《漢語大字典》（六），p.3733）

⁸⁶ 髀（勺一）：2.指股部，大腿。（《漢語大詞典》（十二），p.408）

肩、臂、手十指、項、口、四十齒、鼻兩孔、兩眼、兩耳、白毫相、肉髻，各各放六百萬億光明。

【論】

（一）足下光明已能遍照，何用身分各各放光

問曰：足下光明能照三千大千及十方世界，何用身分各各放六百萬億光明？

答曰：

1、足下光明照下方，餘方不滿故

我先言足下光明照下方，餘方不滿，是故更放身分光明。

2、足為立處，故佛先足下放光，餘一切身分亦皆有神力

有人言：一切身分，足為立處故最大，餘不爾；是故佛初放足下六百萬億光明以示眾生。如三十二相中初種足下安住相，一切身分皆有神力。

（二）依何三昧，依何神通，何禪定中放此身光

問曰：依何三昧、依何神通、何禪定中放此光明？

答曰：

1、三昧王三昧、如意通、第四禪中火勝處、火一切入放此身光

三昧王三昧中放此光明，六通中如意通、四禪中第四禪放此光明。第四禪中火勝處⁸⁷、火一切入⁸⁸，此中放光明。

2、佛若不入三昧亦恒放常光

復次，佛初生時、初成佛時、初轉法輪時皆放無量光明滿十方，何況說摩訶般若波羅蜜時而不放光？譬如轉輪聖王珠寶，常有光明照王軍眾，四邊各一由旬；佛亦如是，眾生緣故，若不入三昧，恒放常光。何以故？佛眾法寶成故。

三、佛放大光明能遍照三千大千世界及十方無量世界

【經】從是諸光出大光明，遍照三千大千世界。從三千大千世界，遍照東方如恒河沙等諸世界，南西北方、四維、上下亦復如是。若有眾生遇斯光者，必得阿耨多羅三藐三菩（113c）提。

【論】

（一）佛光明火氣應當上揚，云何能遍至十方

問曰：如火相上焰，水相下潤，風相傍行；是光明火氣應當上去，云何遍滿三千大千世界及十方世界？

答曰：

1、光明有火氣、水氣二種，火亦非皆上揚

光明有二種：一者火氣，二者水氣。日珠⁸⁹火氣，月珠水氣。火相雖焰上，而人身中火上下遍到。日火亦爾，是故夏月地水盡熱。以是故，知火不皆上。

⁸⁷ 八勝處：1、內有色想觀外色少，2、內有色想觀外色多，3、內無色想觀外色少，4、內無色想觀外色多，5、內無色想觀外色青，6、內無色想觀外色黃，7、內無色想觀外色赤，8、內無色想觀外色白。八勝處中似未明言「火勝處」。

⁸⁸ 火一切入即十遍處中之第三火遍處，相當於第四禪。

2、佛力故，能遍至十方

復次，是光明，佛力故，遍至十方；譬如強弓遣⁹⁰箭，隨所向至。

(二) 佛光照耀次第

問曰：何以先照東方，南、西、北後？

答曰：以日出東方為上故，佛隨眾生意，先照東方。

復次，俱有一難。若先照南方，當言：「何以不先照東、西、北方？」若先照西方、北方亦爾。

(三) 佛光幾時當滅

問曰：光明幾時當滅？

答曰：佛用神力欲住便住，捨神力便滅。佛光如燈，神力如脂，若佛不捨神力，光不滅也。

【經】光明出過東方如恒河沙等世界，乃至十方亦復如是。⁹¹

【論】

(四) 釋「三千大千世界」

問曰：云何為三千大千世界？

答曰：

1、釋名

佛《雜阿含》⁹²中分別說：千日、千月、千閻浮提、千衢陀尼⁹³、千鬱怛羅越⁹⁴、千弗婆提⁹⁵、千須彌山、千四天王天處、千三十三天、千夜摩天、千兜率陀天、千化自在天、千他化自在天、千梵世天、千大梵天，是名小千世界，名周利⁹⁶。

以周利千世界為一，一數至千，名二千中世界。

以二千中世界為一，一數至千，名三千大千世界。初千小，二千中，第三名大千。千千重數，故名大千；二過復千，故言三千。是合集名。

2、大千世界時分

(1) 百億日月乃至大梵天，一時生滅（印順法師，《大智度論筆記》〔A056〕p.93）

百億日月乃至百億大梵天，是名三千大千世界。是一時生、一時滅。⁹⁷

⁸⁹ 日珠：指太陽。唐皇甫湜《出世篇》：“西摩月鏡，東弄日珠。”（《漢語大詞典》（五），p.546）

⁹⁰ 遣：2.發送。《左傳·僖公二十三年》：“姜與子犯謀，醉而遣之。”（《漢語大詞典》（十），p.1135）

⁹¹ 印順法師，《大智度論》（標點本），p.278 校勘：「依論意，此經文應接前段。」

⁹² 參見 Lamotte（1944, p.447, n.1）：《雜阿含經》卷 16（424-426 經）（大正 2，111c8-112a10）。

⁹³ 衢陀尼：又作瞿陀尼，又稱西牛貨洲。

⁹⁴ 鬱怛羅越：又作鬱單越，又稱北俱盧洲。

⁹⁵ 弗婆提：又作毘提訶洲，又稱東勝身洲。

⁹⁶ 周利：梵語 cūḍika，小。小千世界：sāhasracūḍikalokadhātu。

⁹⁷ 《起世因本經》卷 1：「一切世間各隨業力現成此世。諸比丘！如此小千世界，猶如周羅（周羅者隋言髻也，外國人頂上結少許長髮為髻），名千世界。諸比丘！爾所周羅一千世界，是名第二中千世界。諸比丘！如一第二中千世界，爾所中千一千世界，是名三千大千世界。諸比丘！此三千大千世界，一時轉合，一時轉合已而還復散，一時轉散已而復還合，一時轉合已

(2) 一劫生，一劫住，一劫滅

有人言：住時一劫，滅時一劫，還生時一劫。
是三千大千世界，大劫亦三種破：水、火、風；
小劫亦三種破：（114a）刀、病、飢。⁹⁸

3、大千世界住處

此三千大千世界在虛空中；風上水，水上地，地上人。⁹⁹須彌山有二天處：四天處，三十三天處。餘殘夜摩天等，福德因緣七寶地，風舉空中；乃至大梵天，皆七寶地，皆在風上。¹⁰⁰

是三千大千世界光明遍照，照竟，餘光過出，照東方如恒河沙等諸世界；南西北方、四維、上下，亦復如是。

(五) 光遠照應漸減乃至滅盡，云何佛光能不滅

問曰：是光遠照，云何不滅？

答曰：光明以佛神力為本，本在故不滅。譬如龍泉，龍力故水不竭。是諸光明以佛心力故，遍照十方，中間不滅。

(六) 云何常以恒河沙等為喻

問曰：如閻浮提中種種大河，亦有過恒河者，何以常言「恒河沙等」？

答曰：

1、恒河沙多故

恒河沙多，餘河不爾。

2、佛弟子眼見易了故

復次，是恒河是佛生處、遊行處，弟子眼見，故以為喻。

3、閻浮提四大河中恒河最大，眾所識知，皆敬重故

復次，佛出閻浮提，閻浮提四大河北邊出，入四方大海中。北邊雪山中，有阿那婆達多池；是池中有金色七寶蓮華，大如車蓋。阿那婆達多龍王，是七住大菩薩。是池四邊有四流水：東方象頭，南方牛頭，西方馬頭，北方師子頭。東方象頭出恒河，底有金沙；南方牛頭出辛頭河，底亦有金沙；西方馬頭出婆叉河，底亦有金沙；北方師子頭出私陀河，底亦有金沙。是四河皆出北山：恒河出北山入東海，辛頭河出

而安住。如是世界周匝轉燒，名為敗壞。」（大正 1，365c7-15）

⁹⁸ 大、小劫破：大：水火風，小：刀病飢。（印順法師，《大智度論筆記》〔A056〕p.93）
參見《長阿含經》卷 22〈11 世記經三中劫品〉：「佛告比丘：有三中劫，何等為三？一名刀兵劫，二名穀貴劫，三名疾疫劫。」（大正 1，144a19-21）

《大毘婆沙論》卷 134：「如是中劫小三災現，一、刀兵；二、疾疫；三、飢饉。」（大正 27，693a7-8）

⁹⁹ 《中阿含經》卷 9（36 經）《地動經》：「有三因緣令地大動：地大動時，四面大風起，四方彗星出，屋舍牆壁皆崩壞盡。云何為三？阿難！此地止水上，水止風上，風依於空。阿難！有時空中大風起，風起則水擾，水擾則地動，是謂第一因緣令地大動。」（大正 1，477c8-13）
《長阿含經》卷 2《遊行經》：「夫地在水上，水止於風，風止於空。」（大正 1，15c29）

¹⁰⁰ 大千住處：空風水地。二天地居，四天空居。（印順法師，《大智度論筆記》〔A056〕p.93）

北山入南海，婆叉河出北山入西海，私陀河出北山入北海。是四河中，恒河最大；四遠諸人經書，皆以恒河為福德吉河，若入中洗者，諸罪垢惡皆悉除盡。以人敬事此河，皆共識知故，以恒河沙為喻。¹⁰¹

4、恒河世世不轉名字故

復次，餘河名字喜轉，此恒河世世不轉，以是故，以恒河沙為喻，不取餘河。（114b）

（七）恒河沙數有幾許

問曰：恒河中沙，為有幾許？

答曰：一切算數所不能知，唯有佛及法身菩薩能知其數。佛及法身菩薩，一切閻浮提中微塵生滅多少，皆能數知，何況恒河沙？

如佛在祇桓外林中樹下坐，有一婆羅門來到佛所問佛：「此樹林有幾葉？」

佛即時便答：「有若干數。」

婆羅門心疑：「誰證知者？」

婆羅門去至一樹邊，取一樹上少葉藏，還問佛：「此樹林定有幾葉？」

即答：「今少若干葉。」如其所取語之。

婆羅門知己，心大敬信，求佛出家，後得阿羅漢道。¹⁰²

以是故，知佛能知恒河沙數。

（八）有幾許人值佛光明必得無上菩提

問曰：有幾許人值佛光明必得阿耨多羅三藐三菩提？若值光明便得道者，佛有大慈，何以不常放光明令一切得道？何須持戒、禪定、智慧，然後得道？

答曰：眾生種種因緣得度不同：有禪定得度者，有持戒說法得度者，有光明觸身而得度者。譬如城有多門入處，各各至處不異。有人光明觸身而得度者，有若見光明、若觸身不得度者。

¹⁰¹ 《增壹阿含經》卷 21（9 經）：「世尊告諸比丘：今有四大河水從阿耨達泉出。云何為四？所謂恒伽、新頭、婆叉、私陀。」（大正 2，658b27-29）

《阿毘曇毘婆沙論》卷 2：「復有四大河，從阿耨達池出流趣大海。一名啞伽，二名辛頭，三名博叉，四名私陀。彼啞伽河從金象口出，繞阿耨達池一匝流趣東海；彼辛頭河從銀牛口出，亦繞大池一匝流趣南海；彼博叉河從琉璃馬口出，繞大池一匝流趣西海；彼私陀河從頗梨師子口出，繞大池一匝流趣北海。」（大正 28，14c25-15a2）

¹⁰² 參見《方廣大莊嚴經》卷 5：「又尊昔為奢摩仙，人來問樹有幾葉；善知多少而酬答，其人不信天來證。」（大正 3，566b10-11）

又《大智度論》云佛知林中樹葉數量，《根本說一切有部毘奈耶破僧事》言阿難陀知林中葉。參見《根本說一切有部毘奈耶破僧事》卷 13：「時有一婆羅門，於中路逢阿難陀，作是念云：『我先聞此沙門喬答摩弟子善能占相，今應試之，為解不解？』便問阿難陀曰：『今此路傍勝葉波林，凡有幾葉？』阿難陀報曰：『有如許百如許千如許萬如許拘胝。』報已便去。時彼婆羅門，即於林中取一把葉數之，知有七百七十七葉，棄之林外默然而住。……彼婆羅門問曰：『聖者！今此林中凡有幾葉？』報曰：『前者有如許百千萬拘胝，今者欠七百七十七葉。』時婆羅門聞此報已，歎甚希有善解算數。」（大正 24，166a9-19）

另參見《佛本行集經》卷 60（大正 3，931c）。

（貳）出毛孔光（印順法師，《大智度論筆記》〔A003〕p.6）

【經】爾時，世尊舉身毛孔皆亦微笑而放光明，遍照三千大千世界，復至十方如恒河沙等世界。若有眾生遇斯光者，必得阿耨多羅三藐三菩提。

【論】

問曰：上已舉身微笑，今何以故復一切毛孔皆笑？

答曰：舉身微笑是麤分，今一切毛孔皆笑是細分。

復次，先舉身微笑光明有數，今一切毛孔皆笑，有光明而無數。

復次，先舉身光明所未度者，今值毛孔光明，即便得度。譬如搖樹取果，熟者前墮；若未熟者，更須後搖。又如捕魚，前網（114c）不盡，後網乃得。

笑因緣，如上說。¹⁰³

【附錄】「七使與九十八結」補充說明（《大智度論》卷 7（大正 25，110b5））

七使		三界九十八結													總數			
		欲界					色界					無色界						
		見道				修道	見道				修道	見道					修道	
苦諦	集諦	滅諦	道諦	苦諦	集諦		滅諦	道諦	苦諦	集諦		滅諦	道諦					
欲貪		○	○	○	○	○											5	98
有貪							○	○	○	○	○	○	○	○	○	○	10	
瞋恚		○	○	○	○	○											5	
慢		○	○	○	○	○	○	○	○	○	○	○	○	○	○	○	15	
無明		○	○	○	○	○	○	○	○	○	○	○	○	○	○	○	15	
見	身見	○					○					○					3	
	邊見	○					○					○					3	
	邪見	○	○	○	○		○	○	○	○		○	○	○	○		12	
	見取見	○	○	○	○		○	○	○	○		○	○	○	○		12	
	戒禁取	○			○		○			○		○			○		6	
疑		○	○	○	○		○	○	○	○		○	○	○	○		12	

¹⁰³ 參見釋厚觀、郭忠生合編，《〈大智度論〉之本文相互索引》，《正觀》（6），p.27：《大智度論》卷 7（大正 25，112c10-113a8）。